

სსიპ - საქართველოს შინაგან საქმეთა სამინისტროს
მომსახურების სააგენტოს
სატენდერო კომისიის სხდომის

ოქმი N1

11 - ოქტომბერი 2018 წ.

ქ. რუსთავი

სხდომას ესწრებოდნენ:

სატენდერო კომისიის თავმჯდომარის მოადგილე - სააგენტოს ეკონომიკური და ლოგისტიკის დეპარტამენტის უფროსი ზურაბ ჭელიძე.

სატენდერო კომისიის წევრები: სააგენტოს ეკონომიკური და ლოგისტიკის დეპარტამენტის საფინანსო სამსახურის უფროსი ლია მაისურაძე, სააგენტოს ეკონომიკური და ლოგისტიკის დეპარტამენტის შესყიდვების სამსახურის უფროსი ანტონ გლავაცკი, სააგენტოს ადმინისტრაციული დეპარტამენტის იურიდიული სამმართველოს უფროსის მოადგილე ნინო წოწონავა.

სატენდერო კომისიის აპარატის წევრები: სააგენტოს ეკონომიკური და ლოგისტიკის დეპარტამენტის შესყიდვების სამსახურის შესყიდვების მენეჯერი მერაბ ჯიბუტი, სააგენტოს ეკონომიკური და ლოგისტიკის დეპარტამენტის შესყიდვების სამსახურის მთავარი სპეციალისტი ეკატერინე თაბუაშვილი.

დ დ ი ს წ ე ს რ ი გ ი

2019-2020 წლების განმავლობაში სანომრე ნიშნების დასამზადებელი ალუმინის ფირფიტების (CPV34900000) სახელმწიფო შესყიდვის მიზნით სატენდერო კომისიის მიერ აუქციონის გარეშე ელექტრონული ტენდერის სატენდერო დოკუმენტაციის განხილვა და დამტკიცება.

მოისმინეს:

სატენდერო კომისიის აპარატის წევრის მ. ჯიბუტის ინფორმაცია, რომ დღეისათვის სააგენტოში არსებული მარაგების, სხვადასხვა საკანონმდებლო ნორმატიული აქტების მოთხოვნების და DET180010387_01(NAT) საჩივართან დაკავშირებული დავების განხილვის საბჭოს გადაწყვეტილების გათვალისწინებით, აგრეთვე შინაგან საქმეთა სამინისტროს ეკონომიკური დეპარტამენტის მიმდინარე წლის 08 ოქტომბრის N2458168 სამსახურებრივი ბარათის შესაბამისად აუცილებელია განხორციელდეს სანომრე ნიშნების დასამზადებელი ალუმინის ფირფიტების სახელმწიფო შესყიდვები, სავარაუდო ღირებულებით 10 275 210. 00 ლარი. აღნიშნულის გათვალისწინებით მომზადდა სატენდერო დოკუმენტაცია და წარმოდგენილ იქნა სატენდერო კომისიის სხდომაზე დასამტკიცებლად.

განიხილეს:

სატენდერო კომისიის წევრებმა აღნიშნეს, რომ წარმოდგენილი დოკუმენტაცია მისაღებია და განაცხადეს, რომ მიზანშეწონილია გამოცხადდეს აუქციონის გარეშე ელექტრონული ტენდერი.

ამასთან, სატენდერო კომისიის წევრებმა განიხილეს აღნიშნულ ტენდერში, შერჩევა/შეფასების ეტაპზე სატენდერო დოკუმენტაციით გათვალისწინებული სანომრე ნიშნების დასამზადებელი ალუმინის ფირფიტების ნიმუშების წარმოდგენის და აღნიშნულ ნიმუშებზე ჩასატარებელი ექსპერტიზის ჩატარების შესახებ სატენდერო დოკუმენტაციაში ასახვის საკითხი.

კომისიის წევრებმა აღნიშნეს, რომ შერჩევა/შეფასების ეტაპის კანონმდებლობით გათვალისწინებული ვადების, აგრეთვე ნიმუშების დამზადებისა და ნიმუშებზე ექსპერტიზის ჩატარების ვადების გათვალისწინებით, ვინაიდან ნიმუშების დამზადება და შემდგომში ნიმუშებზე ექსპერტიზის ჩატარება მოითხოვს გაცილებით დიდ პერიოდს, ვიდრე აღნიშნულს ითვალისწინებს შერჩევა/შეფასების ეტაპის კანონმდებლობით დადგენილი ვადები, იმ შემთხვევაში თუ შემსყიდველის მიერ მოთხოვნილი იქნება სატენდერო დოკუმენტაციით გათვალისწინებული სანომრე ნიშნების დასამზადებელი ალუმინის ფირფიტების ნიმუშები და აღნიშნულ ნიმუშებზე ჩასატარებელი ექსპერტიზის დასკვნები ტენდერის შერჩევა/შეფასების ეტაპზე, აღნიშნული გარემოება დიდი ალბათობით ხელს შეუშლის ტენდერის კონკურენტუნარიან გარემოში ჩატარებას, ვინაიდან უპირატეს მდგომარეობაში შეიძლება აღმოჩნდნენ ის პრეტენდენტები, რომლებსაც უკვე აქვთ აღნიშნული სატენდერო დოკუმენტაციით გათვალისწინებული სანომრე ნიშნების დასამზადებელი ალუმინის ფირფიტების მიწოდების გამოცდილება შსს მომსახურების სააგენტოსათვის და შესაბამისად უკვე ფლობენ მზა სანომრე ნიშნების დასამზადებელი ალუმინის ფირფიტების მზა ნიმუშებს, ან უმოკლეს პერიოდში შეძლებენ მათ დამზადებას.

აღნიშნული გარემოება დასტურდება ბაზრის კვლევის დროს პოტენციური ახალი პრეტენდენტების და ადრე არსებული მიმწოდებლების მხრიდან წარმოდგენილი (მათ შორის ევროპული აკრედიტაციის მქონე ლაბორატორიიდან) ინფორმაციით.

ყოველივე აღნიშნულის გათვალისწინებით, სანომრე ნიშნების დასამზადებელი ალუმინის ფირფიტების წარმოდგენისა და მიწოდებულ საქონელზე ჩასატარებელი ექსპერტიზის დასკვნების შესახებ მოთხოვნა სატენდერო დოკუმენტაციაში ასახულ იქნა შემდეგი რედაქციით: „პრეტენდენტმა, სატენდერო დოკუმენტაციის 1.4.1 პუნქტით განსაზღვრული საქონლის პირველი პარტიის მიწოდების ვადის განმავლობაში, უნდა წარადგინოს სატენდერო დოკუმენტაციის დანართის 2.3.1.1 და 2.3.1.2 პუნქტებით გათვალისწინებულ საქონელზე სატენდერო დოკუმენტაციის 2.3.2. პუნქტის ცხრილით (სანომრე ნიშნის ფირფიტის შენადნობის მახასიათებლები და მექანიკური მახასიათებლები) და ასევე სატენდერო დოკუმენტაციის დანართის 2.3.3 პუნქტით განსაზღვრული შუქამრეკლი ფირის ფოტომეტრული და ფერომეტრული მახასიათებლების ISO 7591-ის მოთხოვნებთან შესაბამისობის შესახებ ტესტირების შედეგები (ტესტირება გავლილ ნიმუშებთან ერთად), რომელიც ჩატარებული იქნება ევროპული აკრედიტაციის მქონე ლაბორატორიის მიერ წინამდებარე ტენდერის გამოცხადების თარიღის შემდეგ (პრეტენდენტმა აგრეთვე უნდა წარმოადგინოს ლაბორატორიის აკრედიტაციის დამადასტურებელი დოკუმენტები);“


სატენდერო კომისიის წევრებმა აგრეთვე აღნიშნეს, რომ წინადადების მიღების ვადის დასრულებისთანავე პრეტენდენტის მიერ წარდგენილი სატენდერო წინადადება განხილულ იქნას სატენდერო დოკუმენტაციასთან შესაბამისობის დადგენის მიზნით.

კომისიამ დაადგინა:

1. „სახელმწიფო შესყიდვების შესახებ“ საქართველოს კანონის მე-12¹ მუხლის მე-4 პუნქტის შესაბამისად დამტკიცებულ იქნას სატენდერო დოკუმენტაცია.
2. წინადადების მიღების ვადის დასრულებისთანავე, პრეტენდენტის მიერ წარდგენილი სატენდერო წინადადება განხილულ იქნას სატენდერო დოკუმენტაციასთან შესაბამისობის დადგენის მიზნით.
3. დაევალოს სატენდერო კომისიის აპარატს „სახელმწიფო შესყიდვების შესახებ“ საქართველოს კანონის 12¹ მუხლის მე-2 პუნქტისა და სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული „ელექტრონული ტენდერის ჩატარების წესი“-ს მე-15 მუხლის მე-3 პუნქტის, მე-16 და მე-17 მუხლების შესაბამისად უზრუნველყოს ტენდერის ჩატარების შესახებ განცხადების ქართულ და ინგლისურ ენებზე და სატენდერო დოკუმენტაციის ქართულ ენაზე განთავსება სახელმწიფო შესყიდვების ერთიან ელექტრონულ სისტემაში.
4. სატენდერო დოკუმენტაცია დანართის სახით თან დაერთოს სატენდერო კომისიის სხდომის ოქმს.

სატენდერო კომისიის თავმჯდომარის მოადგილე:

ზ. ჭელიძე



სატენდერო კომისიის წევრები:

ლ. მაისურაძე



ნ. წოწონავა




ა. გლავაცვი



სატენდერო კომისიის აპარატის წევრები:

მ. ჯიბუტი



ე. თაბუაშვილი

